



Općina Stari Grad Sarajevo
Općinski Načelnik

Municipality of Stari Grad Sarajevo
Municipality Mayor

Broj: 01-05-4- 1712 /16
Datum: 29.08.2016. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo saobraćaja
ulica Reisa Džemaludina Čauševića broj 1
71 000 Sarajevo

PREDMET: Izjašnjenje – traži se;

Poštovani,

Ovim putem Vas informišemo da je Općina Stari Grad Sarajevo, putem sredstava javnog informisanja došla do saznanja da su u ulici Bakarevića postavljeni posebni objekti radi smanjenja brzine kretanja vozila – vibracione trake, kao i vertikalna saobraćajna signalizacija.

U skladu sa odredbama člana 6. Odluke o razvrstavanju lokalnih cesta i ulica u Gradu Sarajevu na području Općina Centar Sarajevo, Novi Grad Sarajevo, Novo Sarajevo i Stari Grad Sarajevo ("Službene novine Kantona Sarajevo" broj 40/14) riječ je o lokalnoj cesti, čiji je nadležni upravitelj Općina Stari Grad Sarajevo.

Temeljem odredbi člana 13. Zakona o cestama Federacije Bosne i Hercegovine ("Službene novine Federacije BiH" broj 12/10, 16/10 i 66/13), upravljanje, građenje, rekonstrukciju, održavanje i zaštitu lokalnih cesta i gradskih ulica vrše nadležni općinski ili gradski organi.

Nadalje, odredbama člana 13. Pravilnika o postavljanju posebnih objekata na cesti radi smanjenja brzine kretanja vozila ("Službeni glasnik BiH", broj 17/07), utvrđeno je sljedeće:

- za postavljanje posebnog objekta potrebno je da podnosilac zahtjeva za postavljanje posebnog objekta u svom zahtjevu, koji podnosi preduzeću ili odgovarajućoj instituciji koja upravlja cestama, navede razloge i druge analitičke parametre koji opravdavaju postavljanje posebnih objekata,
- o zahtjevu iz prethodnog stava ovog člana rješava upravitelj cesta, te ukoliko zahtjev riješi pozitivno radi na izradi posebnog objekta ili elaborata.

Dalje, u skladu sa odredbama člana 76. stav 1. Zakona o cestama Federacije Bosne i Hercegovine ("Službene novine Federacije BiH" broj 12/10, 16/10 i 66/13), saobraćajna signalizacija i oprema, te turistička signalizacija postavljaju se na javnoj cesti na osnovu saobraćajnog projekta, dok je stavom 4. člana 76. istog zakona propisano da upravitelj ceste uz saglasnost ministra za autoceste, brze ceste i magistralne ceste, odnosno nadležna kantonalna ustanova uz saglasnost nadležnog ministra za regionalne i lokalne ceste, ovlašteni su izmijeniti saobraćajni projekat iz stava 1. ovog člana.

Na osnovu naprijed navedenog, a s obzirom na činjenicu da Općina Stari Grad Sarajevo, kao nadležni upravitelj lokalnih cesta na svom području, nije zaprimila zahtjev za postavljanje posebnih objekata radi smanjenja brzine kretanja vozila u ulici Bakarevića, niti je bila upoznata o bilo kakvim

aktivnostima na izvođenju naprijed navedenih radova, evidentno je da je postupljeno protivno odredbama Zakona o cestama Federacije Bosne i Hercegovine ("Službene novine Federacije BiH" broj 12/10, 16/10 i 66/13) kao i Pravilnika o postavljanju posebnih objekata na cesti radi smanjenja brzine kretanja vozila ("Službeni glasnik BiH", broj 17/07).

Slijedom naprijed navedenog, a budući da nije postupljeno u skladu sa pozitivnim zakonskim propisima kojima se reguliše postavljanje posebnih objekata na cesti radi smanjenja brzine kretanja vozila i saobraćajne signalizacije, to ovim putem tražimo da se u što kraćem roku očitujete po pitanju naprijed navedenog, te da nam dostavite informaciju da li ste dali saglasnost za izvođenje odnosnih radova i po čijem zahtjevu.

S poštovanjem,

Obrada:

Amila Čeho, MA-dipl.ing.saob.

Amila Čeho

DOSTAVITI:

1. Naslov
2. Kantonalna uprava za inspekcijske poslove-
Inspektorat saobraćajne i cestovne inspekcije-
Kantonalni inspektor za ceste
3. Evidencija
4. a/a

